

No. 784. 1405. 7. Aug.

Die Vicare der Domkirche kaufen gemeinschaftlich drei Viertel Weins jährl. Zinses in Köttschenbroda.

Ich Jürge .asschinberg, Hannus Lerknecht vnde Conradus Alsch gesessen czu Köttschenbröde, bekennen offintlichen in disem keginwertigin brife vor vns vnde vor alle vnsere erben vnde thun kunt allen den, dy en sehen adir hören lezen, daz wir vorkouft habin mit wolbedachtem mute mit willen wissen vnde vorhengknys vnser husfrowen vnde alle vnsir erben den erbern herren ern Bertolde von Gebeze ern Gabriele von der Nassow ern Johannese Lobenicz vnde gemeynlich allen vicarien der kirchin czu Mysen die iczund lebin vnde alle iren nachkômelingen dry virtyl wyñs, der do wechsit in vnsirn bergen dy gelegen synt by dem vorgebant dorffe Köttschebrode, dy wir habin vnde erplich vnser syn vnde czu lehene gehen von dem erbern herren ern Johannese Geser spittelmeistere czu Dresden, alze von eyme vorsteher vnde amachtman des hochgebornen fürsten vnde herren herren Wilhelms margraffen czu Mysen, czu eyme ewigen czinse vor vierundefümfezig schog grosschin Fribergischir münce, dy vns dy vorgebant herren gancz vnde gar bezalt habin vnde wir nützlichin an vnsirn fromen gewant haben, vnde gelaben in guten truwen vor vns vnde alle vnsere erben mit gesampter hant, dy dry virtil wyñs vorgebant gütlich czubezalne vnde czureychen den vorgebant herren vnde alle yren nachkômelingen vmme senthe Michils tag in dy stad kegen Mysen alze wynlezen cziitlichen vnde gewönlich ist, ane arge lyst vnde wedirrede, vnde dy wile vnsir eynir syn virtil nicht bezalt, zo sullen dy andern davör stehen vnde dy dry virtil gancz richtig machen vnde wollen nicht czuhulfe nemen z, missewachs adir keynerleye wy man das genennen mag, is were geistlich adir werltlich. Were abir daz wir adir vnser erbin dy dry virtil wyñs nicht bezalten, nicht enreychten den obingenantin herren uff dy iargecziit alze vorgeschreben stet, was denne dy megenanten herren mögeliche vnde schaden dar uff teten, is were czu cristen adir czu iuden, daz gelabe wir gutlichen mit dem hoüptgute czurichten vnde czulegen ane arg. Were ouch, das die münce sich der grosschin dy iczund gehen czwey adir dry schok vor eyns gyngen, zo habin vns dy herren vorgebant vnde vnsirn erben dy gunst vnde frantschaft gethan, in welchem iare wir dy dry virtil wyñs wedirkowfen mögen, daz wir adir vnser erben sechsvndefümfezig guldynnen Vngerischer vor dy vier vnde fümfezig schok gr. bezalen sullen noch dem lowfte der guldynnen czu der cziit. Were abir daz wir dy guldynnen nicht haben möchten czu der cziit alze wir den wyn wedirkowfen wölden, zo sullen wir bezalen mit andirm gelde, das in dem lande genge vnde gebe ist, das wir dy sechs unde fümfezig guldynnen bezalen. Ouch ist is alzo gereth, wenne wir adir vnser erben dy dry virtil wyñs wedirkowfen mögen vnde wöllen, daz wir en das eyn virtil iars vorsagen sullen, das sich dy herren darnach richten möchten, vnde sullen ouch den czyns mit bezalen, der sich daz jar gebiert. Vnde ich Johannes Geser spittelmeister